

Aalisartut ilisimasaat uuliasiornissamullu piareersarnej, Kalaallit Nunaat

Uuliasiornissamut piareersarnermi aalisartut ilisimasaat ilaatinneqarput

All. Kirsten Rydahl, DMU

Aasiaat Upernaviullu kujataatungaata akornani aalisakkat aalisarnerlu pillugit tamaani najugallit aalisartut ilisimasaanik katersineq inaassallugu junip aallaqqaataani DMU taavunngartitsissaaq. Avatangiisit pillugit ujarlerfissiap, miljætlaasip, 2001-p ukiaani DMU-mit, Danmarkimi avatangiisinik misissuisoqarfimmit, saqqummersinneqartup ineriartortinnerani tunngaviliisunut paasissutissanut aalisartut ilisimasaat ilanngunneqasapput.

Uuliaarluertoqassagaluarpas pisuusutit sunnertiasussat suunerat ataatsimoortumik ujarlerfissiami saqqummiunneqarpoq. Uuliaarluertoqassagaluarpas iliuuserisassat siumoortumik nalilersuifigineqarnissaannut ujarlerfissiaq pisortaqarfinnit uuliasiortunillu iluaqutigineqarsinnaavoq.

Ujarlerfissiap miljætlaasip pioreersup annertusarnera 2002-p aasaagaa DMU-p aallartippaa taamaasilluni 2003-p naajartornerani sumiiffik Nunap Isuaniit Upernaviup tungaanut tamarmi ilaallissalluni. Aasap ingerlanerani bachelorip Sara Olsvigip Aasianniit Upernaviup tungaanut nunaqarfiit illoqarfiillu tamaasa taamani tikippai ammassaat, nipisat



Ass. DMU/T Sara Olsvig



eqaluillu pillugit aalisartunik apersuilluni. Aalisakkat pineqartut suffisarfiilu sumiinneri pillugit aalisartut ilisimasaat pingaaruteqarluinnarput sumiiffiillu soqutiginaatillit nunap assinganut titartarneqarput. Aalisartunit aamma oqaluttuarineqarput aalisarnerup sunngiffimmut kulturimullu pingaarutaa aammalu aalisartunut ataasiakkaanut taakkulu nunaqqaataannut pisanik atuinerup pingaarutaa.

Maanna ukiup qaangiunnerani Sara Olsvigip aalisartut tikeraaqqissavai paasissutissat pillugit nalunaarusiamut isummernissaat siunertaralugu aammalu sunngiffimmi pinialuttartut ilisimasaat ilanngukkumallugit.

Aalisakkat ikkattumiittut pineqartut pillugit ilisimatusaatigalugu misissuinissamut taarsuillugu aalisartut ilisimasaata atornissaannut aalajangernermut pissutaasut arlaliupput. Ukiuq kaajallangajallugu aalisartut piniartullu piniarfinniit tarput tikittagaallu annertooujussuulluni. Taamaasillutik uumasut pillugit ilisimasaat annertoqaat. Aamma piniagasat sorliit nunaqqatigiinnut pingaarute-

qartut ilisimanissaat pingaaruteqarpoq taamaasilluni eqqortumik suliniuteqarnejq pisinnaaqquillugu.

Ujarlerfissiamik miljætlaasimik sanaq Pinngortitaleriffik kiisalu Kalaallit Nunaanni Danmarkimilu ujarassiornermik misissuivik, Danmarks og Grønlands Geologiske Undersøgelser (GEUS), peqatigalugit suliarineqarpoq imarivaalu paasissutissat sukumiisut uumasunut, sinerissap qanoq ittuuneranut, silamut imavissuarnullu tunngasut. Paasissutissat pissarsiarineqarput aalisartut piniartullu tamaani najugallit apersornerisigut kiisalu ilisimatusaatigalugu misissuinikkut. Paasissutissat ilioqqarneqarput assinut digitaliusunut takuneqarsinnaallutik DMU-p nittartagaani <http://www.dmu.dk>. Ujarlerfissiap pioreersup taassumalu annertusarlugu ineriartortinnera Miljøstyrelsen Namminersornerulutillu Oqartussat aningaasaliiffigaat.

i Qaffasinnerusumik atorfeqarluni ilisimatusartoq Anders Mosbech, amo@dmu.dk

DMUNyt, ukiuisa arfinillit nr. 2

Naqiterisitsisoq: Danmarkimi Avatangiisinik Misissuisoqarfik, Avatangiisinut Ministeriaqarfik Frederiksborgvej 399, Postboks 358 DK-4000 Roskilde
Tlf: +45 4630 1200, Fax: +45 4630 1114
e-post: dmu@dmu.dk
www.dmu.dk

Akisussaalluni aaqqissuisoq: Henrik Sandbech

Aaqqissuisoq: Jens C. Pedersen

Nutserineq: Sofia Geisler

Ilulilersuisut: DMU/Grafisk Værksted

